

БИГЭРГЭТЭБИН

Дьокуускай куорат Уокуруктаабы дьаһалтатын
култуураба уонна духуобунай сайдыыга
управлениетын салайааччыта



И.П. Ли
ыйын « 23 » күнэ 2023 с.

Саха Республикаһын «Оһуокай Түмсүү» баһылыга
А.Д. Данилов
ыйын « 23 » күнэ 2023 с.

ТУЙМААДА ЫҤЫАҤЫН ОҢУОКАЙ КҮРЭҤИН БАЛАҤЫАНҤАТА

Саха омук ытык оһуокайын сүрүн күрэхэ – «Улуу Туймаада Оһуокайа» буолар, ыраахтан-чугастан ыалдьыттары мунһан икки күн устата, «Үс Хатын» үрдүнэн Оһуокай күүстээх-абыланнаах тыллара, лынкынас көмүс дорҕоонноро кыырай халлаанга өрө көтөннөр бар дьонно дьолу-саргыны тускулуулар, үрдүк үөрүүнү үөскэтэллэр, Саха омук түмсүүтүн түмэллэр!

Быйылгы сылы Ил Дархан Айсен Сергеевич Николаев Саха сиригэр Үлэ сылыннан биллэрбитэ, онно олобуран, ону өйөөн туран Оһуокай Түмсүү 2023 сыллаабы, Туймаада Ыһыабын Оһуокай күрэхин, саха Оһуокайын сомоҕолообут, араас улуус дьонун куоракка бииргэ түмпүт, «Оһуокай түмсүүнү» тэрийсибит, Саха сирин «Аар Дархан» этээччитэ, «Манчаары оонһууларын» Өрөспүүбүлүкэтээби спартакиаданы төрүттээччи Афанасий Егорович Алексеев аатыгар аныбыт. Афанасий Егорович олобун саха Оһуокайа сайдыытыгар анаабыт, оһуокайы чинчийбит, баһылаабыт улуу киһи буоларын билинэн туран, бу күрэхни кини аатынан ааттаан быһааран ытыахпыт.

Тэрийээччилэр: Дьокуускай куорат Уокуруктаабы дьаһалтатын култуураба уонна духуобунай сайдыыга управленията, Саха өрөспүүбүлүкэтин «Оһуокай түмсүүтэ»

Ытыллар кэмэ, миэстэтэ: Дьокуускай куорат, «Үс Хатын», төрдүс нүөмэрдээх Оһуокай түһүлгэтэ

Бэс ыйын 24 күнүгэр, 14.00 ч., бэс ыйын 25 күнүгэр, 11.00-15.00 ч.

Күрэс сыала-соруга:

- Ытык оһуокайы Саха Сиригэр, саха омук олохсуйбут сирдэригэр тарбатыы-тэнитии, Аан Дойдуга олохтоох атын омуктарга киэнник билиһиннэри;
- Оһуокайы уус-уран айымньы быһыытынан бөбүргөтүү;
- Төрүт үгэстэри дьонно, ыччакка тарбатыы, куһаҕан тыыннаах сабыдыалтан тэйтитии;
- Былыргы Ытык оһуокай алгыс тылларын сөргүтэн, умнуллан эрэр духуобунай күүһүн бөбүргөтүү;
- Саха дьонун кутун-сүрүн алгыстаах тылларынан чөлүгэр түһэри.

Кыттааччыларга ирдэбил:

- 18 саастарыттан үөһэ;
- Бастакы түһүмэххэ күрэс аһаҕас ким баҕалаах кыттар, биирдии кыттааччыттан взноһа 500 солк.

- Кыттааччы сайаапкатыгар ирдэнэр: толору аата суола, паспорун нүөмэрэ прописката, паспорун хаһан хантан ылбыта, ИНН уонна төлөпүүнүн нүөмэрэ;
- Сэрэбизэй күрэхтэхтэһии саҕаланыан иннинэ эрэ ытыллар. Ол кэннэ, сэрэбизэйи тардыбатах этээччи кыттыбат;
- Этээччи кынат дьонун бэйэтэ булан, түһүлгэ саҕаланар бириэмэтигэр бэлэм буолуохтаах. Ынырыллыбыт кэмигэр кэлбэтэбинэ күрэхтэһииттэн уһуллар;
- Этээччи этэр бириэмэтин, тиэмэтин дьүллүүр сүбэ миэстэтигэр быһаарар;
- Этээччилэр бириэмэлэригэр эттилер даҕаны баран хаалбакка, атын этээччини өйөөннөр кынат буолан кытталара учуоттанар;
- Уус-уран тыла-өһө, ис хоһооно, түһүлгэни тутуу, куолас, тангас, хамсаныы сыаналааһына дьүллүүр сүбэ балаһыанньатынан барар.

Кыайыыны быһаарар ирдэбиллэр:

- Этээччи хохуйуутун ис хоһооно, уус-уран тыла, амарах алгыс тыла, үтүө дьайыылаах хоһооно;
- Этээччи куолаһа чуора-кэрэтэ, түһүлгэни тутара, сахалыы таһаһа-саба, сизери-туому тутуһуута, хамсаныыта;
- Оһуокай түһүмэхтэрин тутуһуу (туойан саҕалааһына, хаамтарыыта, көтүтүүтэ, налытыыта);
- Саха түөлбө оһуокайдарын билсии, үөрэтии, көбүлээһин;
- Бэриллибит тиэмэтин тутуһуута.

Кыайыылаахтары наҕараадалааһын:

- Күрэс түмүгэ бэс ыйын 25 күнүгэр Дьокуускай куорат, Үс Хатыгар төрдүс нүөмөрдээх «Оһуокай» түһүлгэтигэр буолуоҕа, бөлөбүнэн кыайыылаахтарга, бириистэр туттарыллыахтара.
- Номинацияларынан бастын этээччилэр быһаарыллаллар наҕараадаланыахтара уонна ону таһынан бастын кынаттарга диэн эмиэ туспа бириистэр туттарыллыахтара.

Дьүллүүр сүбэ чилиэттэрэ этээччилэри миэстэтигэр көрөн, истэн сыаналыахтара баал туруоруохтара, бастын этээччилэри талыахтара.

Ирдэбил: Кыайыылаах киһи (хамаанда) бириһин ыларыгар паспорун, СНИЛСын, ИННын копияларын тэрийээччилэргэ тутгарара ирдэнэр, ону тэнэ бириис ыларын туһунан дуогабарга уонна биедэмэскэ илии баттыыр.

Билсэр төлөпүүн: 89142385487 – Тарский Александр Лаврентьевич.

Кыттааччы кэлэр-барар ороскуотун, хонук сиригэр бэйэтэ булунар, уйунар.